

A large, illuminated rugby ball sculpture is the centerpiece of a night-time stadium event. The ball is white with blue, green, and yellow stripes and features the text "RUGBY WORLD CUP 2015" and "#RWC2015". It sits on a green, grassy base. Numerous players in various team kits are scattered around the base of the ball, some standing and others in motion. The stadium is filled with spectators, and the scene is lit with bright spotlights, creating a dramatic atmosphere.

Helena ulua'i Pasefika i le a'oga faaloia Aukilani

E talitonu Helena e le itiiti le taua o lona iai i totonu o lenei A’oga mo fanau Pasefika, e tilotilo atu i se faia’oga Pasefika o loo talanoa mai.

Ripoti o le Vaiaso:**Faaopoopo le lagolagoina o le tusipasi a Niu Sila, totoe pea ni vaega e faaleleia**

Ua faaopoopo mai se tasi a'oga lausilafia i le lisi o a'oga e faaleoina le lagolagoina o le tusipasi a Niu Sila, le NCEA. O le Westlake Boys High o se a'oga a tama i North Shore, Aukilani, ua fa'aalia lona naunauga e liliu ane e lagolago le tusipasi fanua, ae faamatuu ese atu lena a Peretania sa su'e ai nisi ana tamaiti i le tele o tausaga ua alu.

Na faaalia se finagalo o le alii pule o le a'oga, David Ferguson, e faapea, ua mana'omia e fanau a Westlake se a'oa'oga e maua i ai le atoaga. E faatatau le saunoaga i le tulaga o su'ega mai Peretania e faavae i mea faalesiomaga Peretania, e faatusatusa i le NCEA ma lona anoliu faaNiu Sila. O le mau malosi lea na ia molimoli atu i matua, e tusa i le faaiuga a le a'oga.

Na ia ta'ua foi e faapea ua fetau le taimi, o lea ua mae'a ona toe tapena lana taiala ma ua sauni atu nei e faafetaui lu'i o le tusipasi i le malosi e gata ai.

E ofoina e le Westlake le NCEA faatasi ma le Cambridge mo ana tama a'oga, a o lenei la ua sauni e tavae ese le su'ega Peretania ae sagai ane i le na o le NCEA.


E fetau fo'i le filifiliga ma le tula'i mai o Westlake e faumalo i sikolasipi o le NCEA i lenei tausaga, e lua ana tamaiti na maua faailoga i le tolu aupito i luga.

Tusa ma se 30 pasene o tama a Westlake sa masani ona su'eina le Cambridge, ma o le a fa'aauau pea mo sina taimi ma mou atu ai.

O le tula'i mai o le fuafuaga fou mo Westlake e toe faamanatu mai ai le finauga fai pea i le tulaga o le tusipasi a le atunuu ma lona amana'ia, e faatusatusa i isi tusipasi faavaomalo e iai le Cambridge (CIE).

Ae talitonu le pulega a le NZQA ua lava ma totoe molimau e faamaonia ai le malosi o le tusipasi Niu Sila, ma lona amana'ia tutusa ma isi i soo se vaega o le lalolagi.

O loo malosi pea le manatu i nisi e faapea e sili atu le Cambridge i le NCEA, ma o se lagona lena o loo taumafai e tineia mai i mafaufau o le fanau ma i latou o loo taiulu i kolisi ma iunivesite.



NCEA na amata i le 2002, e suia le NZSC ma le UE. Tolu fola e su'eina ai—Tausaga 11, 12 ma le 13. Amana'ia lona tulaga o se su'ega faavaomalo. O le Cambridge(CIE) o se su'ega faavaomalo foi, fa'aaoga e ni malo se 170.

O le faaliliuga o le upu 'success' le faapogai, e manatu nisi ta'ita'i o iunivesite e sili atu Cambridge, o se mea e le ofo ai, auā o le mea foi na sau ai latou. A ua sui le taimi, e tatau ona tilotilo toto'a i itu lelei o le NCEA mo fanau uma a Niu Sila.

E malosi foi i nisi matua sea lagona, e sili le su'ega a Cambridge, e mafua ai ona una'i a latou fanau e su'e i le su'ega lea.

O le pogai lea o le valaau a le peresitene o le PPTA, Angela Roberts, ua tatau ona tuu se tapu i le tusipasi Peretania. E manatu Roberts o lenei tapatapa pea i se tusipasi ese ua na faavaivaiina le tulaga amana'ia o le tusipasi Niu Sila.

O nisi o latou o loo lagolagoina pea le Cambridge e iai John Morris, pule tuai o le Auckland Grammar. O Morris na tauavamea i le faavaeina o le su'ega Peretania i le taimi foi na faaulufale ai le NCEA. E talitonu Morris e tatau ona iai pea avanoa e filifili ai le fanau ma matua.

E tusa ma se 70 le aofa'i o a'oga o loo su'e a latou tamaiti i le Cambridge. E tofu ma le mafua'aga. Fai mai nisi a'oga e aoga le iai o se lu'i faasili mo a latou tamaiti a'oga e saosaoa le atamai.

E manatu le alii o Morris e aoga le su'ega Peretania mo tama, na ia ta'ua le mataupu i filifiliga vaivai [soft option] ua tele naua, ma luagia ai le malosi o le NCEA.

Ae na faapea mai le Minisita o A'oga, o le NCEA e faatatau tonu i le tapenaina o fanau uma mo se a'oga faaleolaga e fa'aauau pea.

E le o iai se faailoga o se fuafuaga i le malo e fai ni vavao e tusa i lenei mataupu.

OTOOTOGA**Lagolago mai luga**

Ua le oo i le faamasinoga le mataupu a se a'oga i Magele ona o le talosaga a matua e ana fanau na aafia.

Na faatau i leoleo le mataupu a ni aiga e tuua'iina ai ni faia'oga o le a'oga 'Toga Kerisiano' i Magele. Na faavae ai ni moliaga o le faaoolima i fanau.

Peita'i ua toe tatala i tua e mafua i le mana'o o matua.

Ae na lagolagoina e se tasi o alii faia'oga lausilafia o Dr Sitaleki, le faiga masani o le faatonu o fanau e ala i le sasa. Faapea mai Sitaleki, o le ini o le taliga e le o se amio sau a o se lapata'iga e faatonu ai le amio.

E to'alima tamaiti na fetagisi o latou aiga i leoleo ae to'afa faia'oga na aafia ai.

O le tausaga talu ai na agiagia ai le igoa o lenei a'oga i talamua, ina ua tui e se tasi tamaitiiti le ulu le isi tamaitiiti i se seleulu.

Se lagolago mo alii

O se mafutaga fou ua tupu a'e i totonu o Manukau, o le a avea ma se talimana'o mo faia'oga tama a le itumalo. E 15 ni alii faia'oga na latou faavaeina le Counties Manukau Men in Education, o se mafutaga ua fuafua tonu e lagolagoina alii faiaoga i lea vaega o le atunuu.

Saunoa le alii o Nick Cage, e laitiiti lava pe leai foi se lagolago mo alii faia'oga o iai, talu ai e to'alaitiiti naua i latou i totonu o le faiva. I nisi a'oga na o se to'atasi se faia'oga tama.

O le faamoemoe lea o le mafutaga, ia avatu le lagolago ia i latou na e ala i le mafuta faatasi. Ua iai se isi mafutaga faapea i Waikato. Se'i logologo atu le CMME.

Faasoa o le Vaiaaso:

Ta'alogā o le ala i malo mo fanau a le lalolagi

O le taimi o le Lakapi, itula a le lalolagi. O le fesili, O le a se mea a le fanau laiti e maua mai ai? Poo le sa'o o le fesili, o le a se a'oga faasili latou te maua mai ai nai lo le olioli e maua i le matamata?

I le Lakapi, e ta'ifa tausaga ma alofaiva 'au a le lalolagi i le sailiga o le siamupini, lona uiga e fa foi ipu e matamata ai le fanau pe afai e faitau mai i le Tausaga 1 e ulufale ai i le a'oga se'ia ulufafo i le Tausaga 13.

Lona uiga e leai se tasi e misi i lona taamilosaga faasolo.

O nei tauaofiaga o loo ua fagaina le vao mana'oga o le faitau miliona ma miliona le aumaimoa i le lakapi, aofia ai le fanau, ma avea ai ma ni pine e taula'i i ai le silasila, pei ni moli faatupu moemoe i tagata ia latou miti ma faamoemoega sili.

Ae muamua le tala:

I le tala faasolo o le lalolagi ua loa lava ona maua e tagata le mealilo i tua o le ta'alo. E mulimuli mai Piaget ma le aufaitofa o seneturi lata mai nei, a ua leva ona iloa e tagata Eleni le taua o taaloga i le soifua atia'e o nuu ma tagata. E mafua ai ona taofi a latou taua ma fe'au masani ae alo ane e fai le faiva o le ta'alo.

E feagai le Ipu ma mafatiaga o tagata Suria i Europa, o se faamanatu faanoanoa i le tala'aga umi o se lalolagi taua'imisa ona o le mau eseese i talitonuga lotu. Ua atili ai ona tu maualuga mai le fetu o taaloga, ma faapea ona mulimuli atu ai le lalolagi, faapei o Makoi e toe saili le Faaola, e toe fesili mo se fe'au fou i nei tupulaga.

O le toe lalagaina o le Olimipeka o se amataga fou lea. O se maea na toe lafo mai e le vaafaaola a le Taimi. Lea ua tatou aeae ai nei i ona manuia.

Ae tusa i le fesili autu, o ni lesona taua nei mo le fanau:

Lesona 1. Afai o oe le tama ma le teine e te fiafia i le lakapi, o oe lava o se sui faamaoni. O se sui faamaoni o se tasi o kalapu aupito to'atele. O fetu fou na ua avea ma taiala.



I taaloga ua mafai ai ona atia'e soo se vaega o sootaga faavaomalo. Ua mafai ai ona mafuta lanu ma gagana eseese i se tulaga e le'i tupu muamua i le tala faasolopito. Ua mafai ai ona siitia ma amana'ia malo laiti e malo malolosi i se malae ta'alo e laugatasi ma tutusa itu uma. Ua mafai ai ona matalatala faitoto'a o avanoa mo oe le tama ma le teine talenia i se taaloga. Ae le itiiti le taua o lou auai i se lagona e faasoa ma fusia ai le lalolagi e mafua i se taaloga.

Lesona 2. Fa'apei le lakapi ma soo se taaloga o se lauga malie ma toto aano. I o latou tulafono e faamanatu ai pea poloaiga a le Atua i le faimea tonu ma le tausisi i le mea sa'o. Ta'alo malosi, ta'alo faatausala o ni upu ua loa i le tatou gagana, a ua saga faamautuina i nei aso e ala i tulafono tausisia i fa'aagatama faavaomalo. E le pine o le lesona aupito taua lea mo le fanau i le amio, le faitau miliona o loo muli'auloaina a latou 'au ma tama taaalo. Latou te tilotilo ma matau aga, ma a'oa'o mai ai le sese ma le sa'o, le uiga e 'alofia ma le mea e taofi.

To'atele fanau e le o maua le avanoa e ulufale ai i se lotu, pe faalogo foi i se a'oa'oga lelei tau i le amio mai matua ma e e tausia, ae a matamata i se tama po o se teine ta'alo lelei ma lana faaa'oa'o, e sili atu le lauga lena i lo o se failauga aupito leotele ae le savali ai.

Ua mautu i su'esu'ega le sootaga o fanau e iu manuia taumafai, ma lo latou auai fiafia i taaloga.

“mafauauga o le vaiaaso”

O le lakapi o se taaloga e lua ona 'afa.
Upu o lakapi

Tulimanu o Popa:

Meaula ma mea faapipii, soliva ma le Ipu e faafiafia ai le lalolagi.



Malo le malaga. Lenei ua tatou taunuu mai i le toe vaiaaso o lenei foi kuata, viia pea lo tatou Alii Faaola.

Ae muamua atu le tala i le faaiuga a le Fono (Education Council) i le faia'oga lea na toomaga i se mea faapipii e faamau ai se tama i se nofoa. Ua talia e le Fono le tala a le faia'oga, o lana meaula ae le se mea mo'i. Avatu le faamalo i le tofa saili a le Fono. Fai mai Pole e lei oti se isi, ae se'i tau omiomi i lalo le ulavale. Ia, fesili pea ia Pole, aua ne'i tusi mai se isi ia te a'u.

E ese lona mai le mataupu a se tasi faia'oga, ua soloia nei lona igoa mai le lesitala a faia'oga. Mafua lea ona ua ia solia le tuaoi o le va tapuia. Pe le o se popolega lea i faia'oga laiti e iu mai ma avea ma faia'oga i fanau matutua. Ae fesili ane pea ia Pole po o le a sana iloilogā i lea foi gasegase e le taatele.

Tusa ma se 2000 faia'oga o loo aitalafu i le malo i se \$2.5 miliona. O se sese e mafua mai ina ua faafoe e le Novopay totogi. O lo'u manatu ua tatau ona faamagalō. A leai, tipi ane i ai le totogi o le minisita lona na aumaia le Novopay.

Ae o la'u tali lenei i le fesili a se aualii laiti, poo ai le 'au a Iesu i le Ipu. O la'u tali, o le Manu Samoa, ae o le mealilo lona na o Pole ma Papa ma tamaiti Samoa o loo iloaina.

Ioe, o Iesu o le Laufali Sili o le taaloga. O ia e faasoaina mai le fiafia i le taimi e tatau ai. Taga'i foi, e leai lava se 'au ua ao sana fua. Lea ua uma atu Niu Sila, le iloa poo Afelika lea o le a toe oo i ai le faasologa. Ioe, e silafia lava e la le 'au ma lona taimi, ma omiomi foi i lalo le mimita o le 'au lena ua manatu na o latou o sifi.

Ae afai e toe Niu Sila le mea, o lona uiga o pelega o McCaw i le aupaia ma le auagelu. Ia tailo.

A ia manuia tele le tuuaga. Toe feiloa'i i lona kuata fou, pe a aulia atu i ai, i le alofa o Iesu 'Laufali' Faaola.

Solo malie i le Ipu a le Lalolagi

Aue lota mimita ua le iloa le mea e gata mai ai
Ina ua maua le tala e ulu le Manu i le tauvaga
o le a fai;

Le Ipu a le lalolagi 2015 Egelani sa faatalitali
uma i ai;

Tailo i le femitai o Toga a o lo'u lava mimita
ua toe ina masaesae.



Atili ai la ina ua ou vaai atu o loo tuu mai ai
tama e to'alua o si o matou nuu, auoi ta fia ola e!
Ua pei ai o ta 'ita le la ua momo'e atu i totonu
o le malae;

Ua ta fia Falealili fua i nai ou faiva Manu Samoa e!

Taaloga muamua ma Amerika e tatau ona e mataala,
O tama o le aeto e felelei faasasa'o lava. Vaai lava tatou
ne'i faatamala. Maka lelei le Toga ma le Fiti na e
ono avea ma faatupumala.

E faapena fo'i le taaloga ma Aferika i Saute,
fai o le saosaoa a o le lapopo'a pei ni tino o ni leona;
O le togafiti o le leona o lou oso i luga e ti'eti'e ai,
Ma seu atu loa lona ulu i le pou e faapa ai.

Aua foi le faatamala i tama o le Susimi, nai o latou tino e
ause ma lauiti; ae le faia se tala i se tino lapo'a; vaai e to'afitu
tama Niu Sila na e tauina sia latou taua.

Taaloga ma Sikotilani e le faigofie fo'i, tama ili paipa
ua masani foi i aga o le taaloga.

Ae vaai lelei tama saosaoa na i le uigi ma le loka,
Tuu i ai ni pomu atomika ia umi o tau faaola.

O si a'u solo lena ona o lo'u fialia tele,
Ae talosia ou faiva Manu ia e lele ma saga lele;
A fai foi ae misi le togi fialia pea e toe vivini fo'i le toa.
Tatou 'oli'oli pea i le IPU masani e tumu i ponaivi patuamoa.

O le solo lenei a le alii o Jeffrey loelu sa
tusi i le 2011 e faatatau i le ipu a le
Lalolagi i lena tausaga. Ua toe teuteu e
le alii fatusolo mo le Ipu o le 2015. A iai
fo'i sau solo mo lenei Ipu, lafo mai i le
tuatusi: ltavita8@gmail.com



Lau Amata

O SE SOLO I LE VEAPE

*Soga'imiti
Veape*

O a'u o le soga'imiti veape
Samoa moni,
E Upolu le tina a o le tamā e
Savaii mao'i;
Ou te mana'o e faaali atu ia
oe mamanu o la'u tatau,
Ma le faaaloalo tele ne'i e
faapea ou te le mafaufau.

Mamanu muamua, o lona igoa
galueaiina,
"Ua tatao e Brian le polo,"
mo se faata'ita'iga.
Mamanu lona lua o lona igoa
le galueaiina,
"E malo tatou," e faapena si
ona faiga.

Mamanu lona tolu o augalua
lona ta'u,
"Na ou pasia ia Brian le
polo," alu atu lava faapalasi.
So'o o le mamanu e le so'ona
lavelave:
"O lo'u igoa o Brian," se'i
aumai se patipati.

O le tasi mamanu o galueaiina
atili,
E faaaliali a'u i taimi o lipoti
ma faasalalauga:
"Ua malo le Manu Samoa i le
la ta'aloga ma Fiti!"
Ioe, e talamea faapena le
uiga o si alii.

Mamanu mulimuli e ta'u o
faailonauna.
"Va'ai ia Brian," lale ua
tolopu le polo, auoi ua ova.

A e fesili mai, ioe, na ta lava
i Samoa la'u tatau,
i le salu tuaniu a le faia'oga,
lea ua ou tau feoloolo ai.

Mai le tusi Lau Amata,
Veape, Fuiupu Veape,
Soaveape, Upega Soaveape
EVALEON BOOKS





20—30 Setema

20

**1933 Faaulufale Malumalu
Katoliko Leauvaa**

22

**1910 Tofia Sulusi e sui ia
Solofa**

23

**1979 Faalauiloa aloa'ia faa
vaeina o le pati
faaupufai HRPP**

24

**2002 Avea Ida Malosi ma
ulua'i faamasino
tama'ita'i Pasefika a
Niu Sila**

25

**1961 Tusigaigo a Samoa i
Sisifo. Aofa'i 114,427**

**1844 Ulua'i a'oga faafaifeau
Malua; 24 aofa'i ulua'i
tama a'oga; ta'ita'iga a
Misi Tana ma Misi Ale**

26

**1926 Faavae Komiti Sitiseni
afua mai ai le Mau**

**1924 Apia. Malo Samoa ia
Fiti, 9-3. Taaloga 2**

27

**1845 Talimalo Tuiatua
Mataafa Fagamanu ma
Apia i le savali a
misionare Pope**

28

**1977 Niu Ioka. Lauga a
Samoa i le fono Malo
Aufaatasi**

29

**2009 Lulu se mafui'e tatanu.
Mafua ai se sunami,
143 maliliu**

**1914 Faatau atu faailoga lafo
tusi iai le igoa Samoa**

30

1918 38,302 faitau aofa'i

?

**1967 Faavae misiona Samoa
Metotisi i Aukilani**

**1922 Momoli i le motu o
Makogai, Fiti, e e
gasegase lepela**



Motu o Makogai, Fiti. Tama'ita'i taupousa mai Farani, o foma'i ma tausima'i i latou mo e na aafia i le gasegase

O le tasi o gasegase e le mata'uta'ua i le vao gasegase o le lepela, ma e mafua lea ona o le uiga faaalua poo talitonuga fo'i e faatatau i ai. Mai le 1890 i le 1922 na feagai ai i latou na faataotolia i le ma'i ma le tausiga a Siamani e aulia mai Niu Sila. Na ulua'i tausiga i latou i se nofoaga i Falefa ma aga'i atu ai i le motu o Nuutele, ae mulimuli ane molia atu i le motu o Makogai i Fiti ia Setema o le tausiga 1922. Talu ai se popolega i le pulega a Siamani ma Niu Sila ina ne'i pisia o latou tagatanuu, na mafua ai ona faia le faiga o le ave ese o i latou mai o latou aiga ae tausiga faatasi i nofoaga e pei ona ta'ua. Afua mai i ia taimi ona sui le vaai i le ma'i ma faavae ai le uiga tutu mamao o i latou o loo maloloina mai e ua afaina. Molimau Vaiouga Levi, le foma'i sa feagai ma le tausiga o e mama'i i ia taimi, e le mafai ona feiloa'i i latou e o atu e asi ma'i ma i latou e mama'i. Na o sina ava e mafai ai ona sao atu le leo (faafeiloa'i) o le tasi i le isi. Ona pau lea. (Akeli, 2007)

O le pese "Le Manutagi e," faalauiloa e le alii pese o Jerome Grey, na fatu e se alii fatupese Samoa i lona uso na maua i le ma'i ma molia atu ai i Makogai i Fiti. I lona fati ma upu o loo molia ai lagona o le mafatia i le tagata ma'i—ae faapea fo'i aiga pele, ona o le faasinoesea, faleesea, ma faifaia i faamatalaga ma uiga fa'aalia o le to'atele.

I Makogai, sa taulamua taupousa a le Katoliko i le tiute o le togafiti ma tausiga e na mama'i i le lepela. O nisi na pisia i le siama ma maliliu ai. Na faato'a maua le vailaau i le 1948 ma auala ai se galuega lavea'i mo lenei gasegase i le lalolagi.

Na tapunia Makogai i le 1969.

Niu Sila: 13 Set 1933, avea Elizabeth McCombs ma uluai faipule tamaitai a Niu Sila, sui a le Leipa; 19 Set 1893. Mua i malae Niu Sila i se tulafono e talia ai le ulufale o fafine i le palemene.

NIUPAC PUBLICATION

Email: evaleon.books@gmail.com
Phone: (09) 269-6186
Postal: PO Box 43122
Mangere Town Centre, AUK 2153

All rights reserved. This bulletin and its content is protected by copyright laws of New Zealand and international conventions. Except for educational purposes, any other activity pertaining to its use is prohibited. OLA understands the rights of other copyright holders whose material we use and acknowledge always—apart from our own.

NIUPAC 2011

Editors:

Levi Tavita ~ ltavita8@gmail.com
Muliagatele V. Fetui ~ v.fetui@auckland.ac.nz
Saili Aukuso ~ saili.niupac@gmail.com

EVALEON BOOKS & NIUPAC PUBLISHING



Sponsors:



New Zealand
Lottery Commission

Evaleon Books &
Niupac Publishing

Wheeler's Books
(NZ)

Telefoni (09) 269-6186. Emeli: evaleon.books@gmail.com

Tautua e ala i le gaosia o alaga'oa mo a'oga (tusi mo le a'oa'oina o le faitau i le gagana Samoa, tusi e a'oa'o ai gagana, kalena, posters, yearbooks, brochures. E tautua fo'i i le fa'aliliuga o gagana, ma le tapenaina o ni tusi e fia lomia i so'o se sionara o fatuga.



Sini Autu: Ia sa'o faaleoga o a'u upu i
si'uleo e iloga pe faaleiloga

Alaga'oa e a'oa'o ai: siata upu
(upu fa'aaoga soo)

Fa'aleo manino:

1. afi ăfī ăfio

2. afifio afioga āfīfī

3. afiafi ăfā ăfaga

4. afe āfea afeafe

5. afo afolau afu

6. āfua āfulu ăgaga

Aofa'i o a'u upu na sa'o =

Fale Fauupu:

O meafaigaluega e
lagolago ai galuega
faatino:

O la'u lisi o upu ou te iloa:

O ni fesili:

1. Pe na sa'o lelei le
faaleoga o a'u upu?

2. Pe na sa'o lelei la'u
faaleoga o le vauei
muamua?

3. O a ni isi upu
masani ou te iloa lelei
o latou faaleoga?


PASO GAGANA PERETANIA

Faatumu le paso i **upu/igoa Peretania**.
Fill the crossword box with **English words/ names** —unless stated otherwise. [Theme: Rugby World Cup]

Faalava~Across

- 1 NZ skipper (5)
- 4 Fiji: Viliame ? (7)
- 8 gestures (5)
- 11 Jesus' mates (8)
- 12 puma country (9)
- 14 in what way (3)
- 15 Maori: sacred house (5,4)
- 16 mum's sisters (7)
- 20 school post (2)
- 23 Russia's 1st communist leader (5)
- 26 that is (2)
- 28 dated reptile (8)
- 30 60 minutes: Mike ? (5)
- 33 Karate icon in movies: Bruce ? (3)
- 34 liken to (2)
- 36 disastrous (7)
- 40 prefix two (2)
- 41 prep, during such time (2)
- 43 printer brand (3)
- 44 NZ singer: Anika ? (3)
- 45 infamous Nazi (2)
- 47 big fowl (3)
- 48 Samoa league team (3)
- 49 plainly shown (5)
- 51 photo taker (3)
- 52 Samoa uni (3)
- 53 Maori: balance give and take (3)
- 54 slang: woo ? (3)
- 55 boy name meaning excel (5)

- 56 Russian girl's name, made famous by fmr first lady Gorbachev (5)
- 57 Manu Samoa: ex-coach (5)
- 58 actor Pacino first name (2)
- 59 course to walk or run (3)
- 61 League: Meninga's first name (3)
- 62 movie hire (5)
- 64 US famous Boxer (3)
- 65 Bible: Saul's army chief (5)
- 66 Mealamu 1st name (5)
- 67 not well (3)
- 68 Japan money (3)
- 69 old certificate to enter uni (2)
- 70 French name meaning light (8)
- 71 most powerful nation (2)
- 72 Ex Manu Samoa skipper Pat _ (3)
- 73 Scottish 'not' (2)
- 74 letter: after-thought (2)
- 75 famous initials, US blues guitarist _ King (1,1)
- 76 uni 1st degree (2)



Lalo~Down

- 1 pron. Refer to you as object (2)
- 2 team leader sport (7)
- 3 cowboy movie (7)
- 4 settlement, a small unit (7)
- 5 Jesus in Aramaic (6)
- 6 Japanese name (5)
- 7 body function (5)
- 8 an Oz beach (5)
- 9 money change (5)
- 10 former Warrior: Logan ? (5)
- 13 military: absent from post (4)
- 17 cancel, untie (4)

- 18 Ikale tahi country (5)
- 19 occur after (5)
- 21 metal container to fry (3)
- 22 wise tutor (4)
- 24 rugby cup's name, Webb _ (5)
- 25 a thought (4)
- 27 US motor brand (2)
- 29 part of Australia (2)
- 31 eagle country (6,6)
- 32 All Black: Luke ? (6)
- 35 springbok country (5,6)
- 36 Manu: Alafoti ? (9)

- 37 Manu skipper (10)
- 38 Manu: Kahn ? (8)
- 39 Tonga skipper: Nili ? (4)
- 42 prior to finals (10)
- 46 "Braveheart" inspired' team (8)
- 50 Manu: Kane ? (8)
- 60 Eagles: Thretton ? (6)
- 63 Lang: Hawaiian for apostrophe or mark of glottal stop (5)
- 71 old UK band: _40 (2)
- 72 abbr, a popular US destination for many Samoans (2)

TALI GALUEGA OLA 29

UILI FAU'UPU 29

1. tafa—break (of day); ta-fa—to cut open (boil); ta-fa—begin to ripen (fruit)

2. ata (fausaga) ataata, atagia, fa'aata

3. ta'afi (nauna) O se siapo poo se ie e ufiufi ai se ietoga lelei ina ia umi ona faaualoa.

4. tafa—battle front; tafa'i—bodyguards; fata—shelf; fata stretcher; fata—to carry; atafa—frigate-bird; faatafa—step or move aside; faatafa—

turn sideways; faatafai—acting frivolously; fa'ata—mirror; fa'ata—to aim; fa'ata—to seal with tar (road); tafa'ifa—person holding four paramount titles of Samoa. Afi'a—legendary figure

TALI PASO # 29

T	O	G	A	F	I	T	I	A	I
E	A	O	U	P	O				
A	U	T	E	A	S	I	A	S	I
T	A	U	A	L	M				
A	P	A	U	L	A	M	I	S	A
T	G	O	O	S	T				
U	N	A	I	F	A	T	I	M	A
E	S	E	E	O	A				
A	N	O	A	T	E	A	U	T	E
E	I	T	A	G	A				
P	E	P	A	U	T	A	G	I	A

TALI SUDOKU #29

1	4	6	7	2	8	3	5	9
2	5	7	9	1	3	4	6	8
3	9	8	4	5	6	1	2	7
4	8	3	2	6	9	7	1	5
5	1	2	3	4	7	8	9	6
6	7	9	1	8	5	2	3	4
7	2	1	6	9	4	5	8	3
8	6	4	5	3	1	9	7	2
9	3	5	8	7	2	6	4	1

© PasoSamoa, 1988

Siaki au tali i le pusa o TALI pe a mae'a lelei

Refer to Solution Grid in Answer Box to check

POLE MA PAPA

Papa, o le a sau mate i le lpu ?

Pole, o isi taimi ta te taumate pe o iai ma le Silisili Ese i nei mea

Leai. O lakapi lava ia o mea a tagata. Ae o ai na iai?



O le OLA o se tautua e fia fai sona
sao i le fa'aaogaina ma le faauualoaina
o le Gagana Samoa ~

Ae mana'omia ona ta'u atu, pasi atu,
momoli atu sana fesoasoani i
potua'oga, aiga, aai, nuu, ma soo se
mea e aogā ai—i soo se itulagi ~

E taua lau fesoasoani.

Faatasi ma isi tausimea a le gagana,
e tasi le faafitiga, ia faaolaola ma
faaaoga pea la tatou gagana, auā
fanau lalovaoa ~

O la ta gagana o lo ta'ua tofi mai le
Atua, e tuufaasolo a tupulaga ~

O le faavae latou te tutū ai ma le
mautinoa, 'ai suiga ma lu'itau a le
taimi.

www.ola888.com

Upu o le Vaiaso: togafiti. O se nauna ae mafai foi ona faaveape. Poo e matauina le
upu o se tuufaatasiga o ni igoa o ni nuu se lua? Ua e matauina foi o le tele o upu e
fa'aaoga ai toga ma fiti e le ni upu e logomalie pe tusaafia i le tatou gagana?

Faugagana:

O ni ta'iala e fesoasoani i le faaleoga tonu

Tautala ma le Tusitusi (faaauau)


Fa'apei fo'i ona faumalo le tautala
leaga (gagana o le K) i le tautala, ma
ua a'afia tonu ai le sipela ma le tusitusi.
Fa'ata'ita'iga 3:

Tusi: Avatu le tupe lea ia Tone.

Tautala: Avaku le kupe lea ia Koge.

2. E iloga fa'aleoga e lua e amata ai se
fuiupu: 1. amata i se silapela e fa'apa'i
lona ta'uga ('afa pa'o i le musika).
Ft., Q a'u; 2. amata i se silapela e
matala lona ta'uga (pa'o atoa i le
musika). Ft., Sau loa.

3. fegauia'iga o le leo.
E ta'iina le fegauia'iga o le leo i le aga
o talanoaga o lo'o fa'aaoga. Ft., i le
aga fa'afesili, e amata i le si'uleo
maualuga ma taofi ai se'ia ifo i le
silapela mulimuli.



O ai le igoa o lou tina?

Fa'atusatusa ma le leo o le fesili e lua
ona upu ma fa'aiu i luga lona si'uleo
poo lalo foi:



O ai?



O NI ATA GALUE O TA'UGA

1. 'o' + nauna (silapela)
('o' o le tulaga nominata).

Faaauau

